

ADRODDIAD I'R:	Pwyllgor Trwyddedu
DYDDIAD:	13 Mehefin 2018
SWYDDOG ARWEINIOL:	Pennaeth Cynllunio a Gwarchod y Cyhoedd
SWYDDOG CYSWLLT:	Uwch Swyddog Technegol (Trwyddedu) 01824 706433
TESTUN:	Diweddariad ar Bolisi Euogfarnau Cerbydau Hacni a Hurio Preifat

1. PWRPAS YR ADRODDIAD

- 1.1 Diweddariad i Aelodau ar y Polisi Euogfarnau Gyrwyr Cerbydau Hacni a Hurio Preifat.

2. CRYNODEB GWEITHREDOL

- 2.1 Mae Aelodau wedi trefnu diweddariad i nodi'r cynnydd ar y polisi sy'n gysylltiedig â'r Polisi Euogfarnau Gyrwyr Cerbydau Hacni a Hurio Preifat.

3. PŴER I WNEUD Y PENDERFYNIAD

- 3.1 Does dim angen penderfyniad.

4. GWYBODAETH GEFNDIR

- 4.1 Mae'r cyngor, fel rhan o'i swyddogaeth trwyddedu gyrwyr cerbydau hacni a hurio preifat wedi sefydlu Polisi Euogfarnau i arwain ymgeiswyr a swyddogion ar y disgwyliadau mewn perthynas â pherthnasedd euogfarnau ac ati.
- 4.2 Adolygwyd y polisi Euogfarnau cyfredol ddiwethaf yn 2014.
- 4.3 Bydd yr Aelodau'n cofio iddynt gytuno y dylai'r polisi presennol gael ei adolygu fel rhan o'u rhaglen gwaith i'r dyfodol.
- 4.4 Ers i hwn gael ei ychwanegu at y rhaglen gwaith i'r dyfodol, mae gwaith sylweddol wedi cael ei wneud gan weithgor cenedlaethol, o'r enw'r Sefydliad Trwyddedu (IOL), sy'n cynnwys sbectrwm eang o fudd-ddeiliaid â diddordeb mewn trwyddedu tacsis, i ddatblygu model cenedlaethol ar

addasrwydd ymgeiswyr a deiliaid trwyddedau ar gyfer cerbydau hacni a cherbydau hurio preifat.

- 4.5 Cyhoeddwyd fersiwn terfynol Polisi'r IOL ym mis Ebrill eleni, a bydd Aelodau'n cofio fod polisi'r IOL wedi ei drafod yn ystod eu hyfforddiant diweddar i Aelodau a hwyluswyd gan James Button, ac roedd Aelodau yn awyddus i gael diweddariad ar y polisi yn y cyfarfod nesaf a drefnwyd. Er gwybodaeth i Aelodau, mae copi o bolisi'r IOL ynghlwm yn Atodiad A.
- 4.6 Bwriad y polisi cenedlaethol oedd i gymaint o awdurdodau lleol a bo modd fabwysiadu'r ddogfen i safoni'r gofynion isafswm ar gyfer pennu a oedd ymgeiswyr yn addas i fod yn yrwyr tacsis trwyddedig.
- 4.7 Mae Swyddogion wedi gwneud ymholiadau gydag awdurdodau cyfagos i benderfynu a oedd bwriad i fabwysiadu'r polisi "IOL" Cenedlaethol ledled Gogledd Cymru. Yn dilyn ymholiadau cychwynnol, dim ond Ynys Môn sydd wedi mynegi diddordeb mewn mabwysiadu polisi'r IOL.
- 4.8 Gan nad yw'n ymddangos y bydd yn cael ei fabwysiadu'n eang ar draws Gogledd Cymru, dylai Aelodau fod yn ymwybodol fod risg pe bai Sir Ddinbych yr unig Awdurdod Lleol yng Ngogledd Cymru i fabwysiadu polisi'r IOL gan fod posibilrwydd i ymgeiswyr na fyddent wedi cyflawni gofynion y polisi hwn ymgeisio i unrhyw awdurdod cyfagos nad yw wedi mabwysiadu'r polisi cenedlaethol a, phe bai'n cael ei gymeradwyo, byddai'n dal yn bosibl iddynt weithredu yn Sir Ddinbych dan rai amgylchiadau.
- 4.9 Dylai Aelodau fod yn ymwybodol fod Panel Technegol Trwyddedu (Cymru), fforwm o Swyddogion Trwyddedu awdurdodau lleol, hefyd wedi cael trafodaeth ynghylch Polisi Perthnasedd Euogfarnau Cenedlaethol yr IOL, derbyniwyd sylwadau cadarnhaol a negyddol, serch hynny roedd pawb yn credu fod angen craffu ymhellach ar y polisi hwn er mwyn canfod unrhyw amrywiad a'i effaith bosibl cyn y gallai'r Panel gefnogi ei fabwysladau drwy Gymru.
- 4.10 Yn ychwanegol i waith helaeth yr IOL i ddatblygu polisi euogfarnau cadarn, bydd Llywodraeth Cymru, dros yr ychydig fisoedd nesaf, yn cyflwyno papur gwyn a fydd yn amlinellu cynigion o ran y ffordd y maent yn credu y dylai trwyddedu weithio yng Nghymru. Mae Llywodraeth Cymru yn parhau i fod yn obeithiol y byddant mewn sefyllfa i gyflwyno deddfwriaeth i Gynulliad Cenedlaethol Cymru cyn diwedd tymor presennol y Cynulliad.
- 4.12 Mae Llywodraeth Cymru wedi awgrymu y byddai polisi'r IOL neu rhywbeth tebyg mwy na thebyg yn cael ei gynnwys yn y ddeddfwriaeth

newydd ar gyfer Cymru.

- 4.13 Yn y cyfamser, os bydd Aelodau'n penderfynu aros am ganlyniad Papur Gwyn Llywodraeth Cymru, byddai modd adolygu Polisi Euogfarnau presennol y Cyngor i sicrhau fod unrhyw feysydd amwys yn cael eu dileu neu eu hegluro.

5.0 ARGYMHELLION

- 5.1 Dylai Aelodau awdurdodi swyddogion i barhau i asesu'r effaith ar fabwysïadau Polisi Perthnasedd Euogfarnau Trwyddedu ar y cyd ag adolygiad Llywodraeth Cymru ac adrodd yn ôl i gyfarfod y pwyllgor yn y dyfodol.
- 5.2 Mae Aelodau yn cyfarwyddo swyddogion i adolygu'r Polisi Euogfarnau presennol ac adrodd yn ôl i gyfarfod nesaf y Pwyllgor.